



Cov Kev Pab Cuam Pov Thaiv Neeg Laus

Kev ua phem rau fab lub cev ntaj ntsug los sis fab kev sib daj sib dev yog dab tsi?

Kev ua phem rau fab lub cev ntaj ntsug yog qhov kev nqis tes uas txhob txwm ua uas tej zaum suav nrog kev npuaj, kev ntaus, kev tsoo, kev ntaus kom doog, los sis kev tsim ua rau kom qee tus neeg lub cev mob, raug mob, los sis raug tsim txhom. Dhau li no lawm qhov no kuj tseem tuaj yeem suav nrog kev siv yeeb tshuaj yam uas tsis phim los sis kev muab ib tug neeg laus kaw cia yam uas lawv tsis yeem, xws li kev muab qee tus neeg kaw cia rau hauv chav nyob los sis muab lawv khi rau ntawm tej khoom rooj tog. Kev ua phem rau fab kev sib daj sib deev suav nrog kev quab yuam fab lub cev ntaj ntsug, kev tso hem thawj, los sis kev yuam kom cia rau kov, plhws, muaj kev sib daj sib deev los sis muaj lwm yam kev ua ub ua no fab kev sib daj sib deev yam uas tsis muaj kev pom zoo. Qhov no yog qhov tseeb tiag tshwj xeeb rau cov neeg laus uas muaj kev tsis taus tus uas tsis tuaj yeem muab tau kev pom zoo los sis nkag siab txog tus yam ntxwv ntawm cov kev nqis tes no.



Cov cim qhia txog ntawm kev ua phem rau fab lub cev ntaj ntsug los sis fab kev sib daj sib deev yog dab tsi?

- ✓ Nqaij doog ntshav, nqaij to, pob txha lov, kub hnyiab, los sis raug mob hle tawv
- ✓ Kab mob sib kis los ntawm kev sib daj sib deev los sis kev kis kab mob ntawm chaw mob uas piav qhia tsis tau
- ✓ Lub ris hnav tuaj hauv qab ntug, tsuas, los sis lo ntshav
- ✓ Kev pov thaiv cheeb tsam chaw mos thaum tau txais kev pab nrog rau kev saib xyuas ze, tshwj xeeb tshaj yog tias muaj tus neeg ua phem uas raug iab liam.
- ✓ Cov kev taw qhia txog kev ntshai los sis kev ceev faj ntau dhau thaum uas muaj ib tug neeg twg
- ✓ Cov cim uas qhia tias tus neg ntawd noj tshuaj ntau dhau los sis tsawg dhau
- ✓ Kev hnav khaub ncaws uas tsis phim rau huab cua (piv txwv li, tus neeg raug ua phem hnav tsho npab ntev thaum huab cua kub)

- ✓ Cov kev taw qhia tias muaj qee tus neeg tswj kev nkag mus ti rau tus tib neeg ntawd los sis txwv tsis pub tus neeg ntawd txav mus los
- ✓ Cov tsom iav, cuab yeej pab kev hnov lus, los sis lwm yam cuab yeej tawg
- ✓ Cov cim qhia tias muaj qee tus neeg txwv tsis pub tus neeg ntawd siv cov khoom pab rau kev sib txuas lus los sis cov khoom pab rau kev txav mus los (xws li, lub npev tawj lij raug tshem tawm ntawm cov rooj zaum muaj log)
- ✓ Kev siv chav kho mob thaum muaj xwm txheej ceev los sis kev saib xyuas kho mob ntawm tsev kho mob tas li
- ✓ Kev hloov pauv cov kws kho mob tas li, los kuj hu ua "kev mus ntsib cov kws kho mob tshiab tas li," txhawm rau kom tsis txhob muaj leej twg muaj cov ntaub ntawv teev tseg txog kev raug mob uas raug los sis txhij txhua.

Dab tsi yog qee cov feem xyuam uas muaj kev pheej hmoo ntawm kev ua phem rau fab lub cev ntaj ntsug los sis fab kev sib daj sib deev? *

- ✓ Cov xwm txheej kub ntxhov ntawm tsev neeg los sis cov neeg hauv tsev neeg uas tab tom ntsib kev ntxhov siab
- ✓ Teeb meem hauv tsev neeg uas tsim ua rau muaj kev siv dag zog los sis kev tsis sib haum xeeb nyob rau hauv tsev
- ✓ Kev muaj mob fab siab ntsws thiab/los sis kev siv kob tshuaj los ntawm tus neeg muab kev saib xyuas los sis ib tus neeg
- ✓ Kev cais tawm ntawm zej tsoom thiab kev kho siab

*Kev muaj cov feem xyuam kev pheej hmoo tsis txhais tau tias tus neeg laus ntawd tab tom raug ua phem tas li.

Yuav ua li cas yog tias kuv tsis paub meej?

Puas yog koj muaj qhov "kev hnov tau" hais txog qhov xwm txheej tab sis tsis paub meej txog cov kev qhia meej tseeb? APS cov kws muaj kev paub tshwj xeeb tau txais kev cob qhia los ntsuam xyuas txhua tej qhov xwm txheej thiab muab cov kev pab cuam thiab kev txhawb nqa los pab txhawb kev nyab xeeb, kev muaj kev ywj pheej, thiab qhov zoo ntawm lub neej.



TXUAS LUS RAU APS

Txuas lus rau koj lub chaw sawv cev APS hauv zos yog tias koj pom muaj cov cim qhia txog kev ua phem rau fab lub cev ntaj ntsug los sis fab kev sib daj sib deev.

Yog tias koj ua xyem xyav tias muaj kev ua phem nyob rau thaum muaj xwm txheej ceev—tsis hais yuav yog qhov xwm txheej kev tsim txom txoj sia los sis ib qhov kev phom sij uas cuam tshuam rau txoj sia—hu rau tub ceev xwm los sis 911 kiag tam sim ntawd.

- ✓ [Txhawm rau tshaj tawm qhov kev ua phem rau tus neeg laus uas muaj kev pheej hmoo](#) (hnuv nyoog 18 xyoo txog 59 xyoo), hu rau koj lub khauj tim los sis tus xov tooj muab kev pab ntawm pab pawg neeg.
- ✓ [Txhawm rau tshaj tawm qhov kev ua phem rau tus neeg laus zog uas muaj kev pheej hmoo](#) (hnuv nyog 60 xyoo rov sau), hu rau koj lub khauj tim los sis tus xov tooj muab kev pab ntawm pab pawg neeg los sis Tus Xov Tooj Muab Kev Pab Rau Kev Ua Phem Rau Neeg Uas Laus Zog ntawm 833-586-0107.



**WISCONSIN DEPARTMENT
of HEALTH SERVICES**